



PROGRAM

utroška sredstava

„Program ruralnog razvoja za 2017. godinu“ utvrđen u budžetu Ministarstva za privredu Bosansko-podrinjskog kantona Goražde na ekonomskom kodu 614 300 TEK 002-Tekući transferi neprofitnim organizacijama – Ruralni razvoj za 2017. godinu

Na osnovu člana 46. Zakona o izvršenju Budžeta Bosansko-podrinjskog kantona Goražde za 2017. godinu („Službene novine Bosansko-podrinjskog kantona Goražde“, broj: 4/17), člana 8., 17. i 18. Zakona o novčanim podsticajima u poljoprivredi i ruralnom razvoju na području Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 4/13) i Strategije razvoja Bosansko-podrinjskog kantona Goražde za period 2016-2020 godina („Službene novine BPK“ broj:4/16), na prijedlog Ministarstva za privredu, Vlada Bosansko-podrinjskog kantona Goražde, **d o n o s i:**

P R O G R A M

utroška sredstava „Program ruralnog razvoja za 2017. godinu“ utvrđen u budžetu Ministarstva za privredu Bosansko-podrinjskog kantona Goražde na ekonomskom kodu 614 300 TEK002- Tekući transferi neprofitnim organizacijama –Ruralni razvoj za 2017. godinu

1. NAZIV PROGRAMA

Naziv Programa je Program utroška sredstava „Program ruralnog razvoja za 2017. godinu“ utvrđen u budžetu Ministarstva za privredu Bosansko-podrinjskog kantona Goražde na ekonomskom kodu 614 300 TEK 002- Tekući transferi neprofitnim organizacijama - Ruralni razvoj za 2017 godinu“.

PODACI O PROGRAMU

Period realizacije Programa: 01.01.2017. do 31.12.2017. godine

Budžetska pozicija: 17. Ministarstvo za privredu

Ekonomski kod: 614 300

Ukupna vrijednost Programa: 100.000,00 KM

Odgovorna osoba: Anes Salman

Pozicija odgovorne osobe: Ministar

Kontakt osoba za Program: Rasim Sijerčić

Kontakt telefon: 038 227 857

Kontakt e-mail: sektorzapoljoprivredu@bpkg.gov.ba

Internet: www.mp.bpkg.gov.ba

DATUM USVAJANJA PROGRAMA: Vlada Bosansko-podrinjskog kantona Goražde u skladu sa Zakonom o novčanim podsticajima u poljoprivredi i ruralnom razvoju na području BPK Goražde donijela je Odluku o usvajanju Programa broj: 03-14-905/17 od 08.06.2017. godine. („Službene novine Bosansko-podrinjskog kantona Goražde“, broj: ____/17).

2. SVRHA I OPIS PROGRAMA

Svrha programa

Svrha Programa je pružanje podrške neprofitnim organizacijama i jedinicama lokalne samouprave u oblasti ruralnog razvoja na području Bosansko-podrinjskog kantona Goražde koji omogućavaju razvoj ruralnog područja Bosansko-podrinjskog kantona Goražde, a u skladu sa Strategijom razvoja Bosansko-podrinjskog kantona Goražde za period 2016-2020 godina.

Korisnici koji nisu ispoštovali ugovorene obaveze (nisu namjenski utrošili doznačena sredstva, nisu dostavili izvještaje o namjenskom utrošku sredstava u skladu sa potpisanim Ugovorom) ne mogu aplicirati po ovom Programu u naredne tri godine, kao i odgovorno lice iz tog pravnog subjekta u bilo kojem drugom pravnom subjektu.

Program za svrhu ima pružanje podrške ekonomskom, socijalnom i kulturnom razvoju ruralnih područja na način koji doprinosi povećanju raznolikosti ekonomskih djelatnosti, zaposlenosti, poboljšanju opštih uslova za ostvarenje prihoda i kvalitete života ruralnih zajednica na području Bosansko-podrinjskog kantona Goražde a sve u skladu sa mjerama i projektnim aktivnostima iz Strategije razvoja Bosansko-podrinjskog kantona Goražde za period 2016-2020 godina.

Opis programa

Program ruralnog razvoja ima za cilj da unaprijedi ekonomski i socijalni položaj u ruralnim područjima Bosansko-podrinjskog kantona Goražde kroz podsticanje mjera i finansiranje projekata koji doprinose ekonomskom, socijalnom i kulturnom napredku ruralnih područja.

Program će omogućiti investicije u poljoprivredna gazdinstva i zapošljavanje mladih u poljoprivredi, poboljšanje ruralne infrastrukture posebno u visinskim područjima u kojima su teži uslovi za privređivanje u poljoprivredi, razvoj ruralnog turizma i drugih organizovanih dopunskih aktivnosti, proizvodnju i prodaju tradicionalnih proizvoda, kao i razvoj organske proizvodnje.

Program utroška sredstava „Program ruralnog razvoja za 2017. godinu“ na ekonomskom kodu 614 300 –Tekući transferi neprofitnim organizacijama - Ruralni razvoj Ministarstva za privredu Bosansko-podrinjskog kantona Goražde za 2017. godinu (u daljem tekstu program), definiše bitne elemente za donošenje programa od strane Vlade Bosansko-podrinjskog kantona Goražde, kao što su opšti i posebni ciljevi programa, potrebna sredstva za realizaciju programa, kriteriji za raspodjelu sredstava (opći i posebni uslovi), korisnici sredstava, potreban broj radnika za provođenje programa i monitoring, procjena rezultata te procjenu nepredviđenih rashoda i izdataka.

3. OPĆI I POSEBNI CILJEVI PROGRAMA

Opći/Osnovni cilj programa

Osnovni cilj programa je podsticanje konkurentnosti u ruralnom razvoju, zaštita okoline u ruralnim područjima i diverzifikacija ruralnih aktivnosti na području Bosansko-podrinjskog kantona Goražde putem neprofitnih organizacija i jedinica lokalne samouprave u oblasti ruralnog razvoja u skladu sa Strategijom razvoja Bosansko-podrinjskog kantona Goražde za period 2016-2020 godina („Službene novine BPK“ broj:4/16) i Zakona o novčanim podsticajima u poljoprivredi i ruralnom razvoju na području Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 4/13), na području Bosansko podrinjskog kantona Goražde koji omogućavaju razvoj ruralnog područja Bosansko-podrinjskog kantona Goražde.

Posebi/specifični ciljevi Programa

Dostizanje svrhe i opšteg cilja programa planirana je kroz ostvarivanje slijedećih posebnih ciljeva programa:

- Podsticanje konkurentnosti ruralnog područja;
- Zaštita okoline u ruralnim područjima.

Podsticanje konkurentnosti ruralnog područja

U skladu sa ciljnim mjerama iz Strategije razvoja Bosansko-podrinjskog kantona Goražde za period 2016-2020 godina: Podrška povećanju obima i konkurentnosti poljoprivredne proizvodnje i primjena LEADER pristupa u ruralnom razvoju kroz podsticanje konkurentnosti ruralnog područja nastoji se osigurati stabilan izvor dohodka za poljoprivredne proizvođače kroz povećanje učešća na tržištu, veću tržišnu orijentaciju ili diverzifikaciju poljoprivredne proizvodnje, poboljšanje ruralne infrastrukture, povećanje ekonomske aktivnosti mladih poljoprivrednika. Kroz podsticanje konkurentnosti nastoji se postići poboljšanje infrastrukturnih, tehnoloških i ljudskih resursa čiji su rezultati produktivnost i kvalitet proizvoda, čime se može postići trajno povećanje udjela na tržištu i što vodi poboljšanju održivosti ruralnih ekonomija i zajednica na području kantona.

Podrška će se obezbijediti za slijedeće vrste aktivnosti koje mogu biti predložene za finansiranje i sufinansiranje u okviru ovog cilja:

- a) investicije u poljoprivredna gazdinstava:
 - nabavka opreme za preradu voća i povrća,
 - aktivnosti koje doprinose povećanju učešća na tržištu kroz orijentaciju na proizvodnju, preradu i prodaju tradicionalnih proizvoda,
 - rekonstrukcija štalskih objekata.
- b) ruralna infrastruktura:
 - sanacija nekategorisanih puteva i mostova koji povezuju naseljena mjesta, dijelove naseljenog mjesta u ruralnim područjima, te pristupnih puteva do poljoprivrednih površina i gazdinstava ne uključujući asfaltiranje,

- asfaltiranje nekategorisanih puteva koja povezuju naseljena mjesta u ruralnim područjima, pristupne puteve farmama i sl.

Zaštita okoline u ruralnim područjima

Drugi posebni cilj Programa, a u skladu sa Strategijom razvoja Bosansko-podrinjskog kantona Goražde za period 2016-2020 godina ogledaće se kroz osiguranje upravljanja prirodnim resursima, čime se nastoji unaprijediti okolišni aspekt poljoprivredne proizvodnje, te zaštititi i unaprijediti stanje biodiverziteta na području kantona, bolje upravljanje vodama, šumama i zemljištem, te očuvanje autohtonih biljnih i životinjskih vrsta.

Podrška će se obezbjediti za slijedeće aktivnosti koje mogu biti predložene za finasiranje i sufinasiranje u okviru ovog cilja:

- a) aktivnosti koje doprinose očuvanju autohtonih životinjskih i biljnih vrsta.

4. POTREBNA SREDSTVA ZA PROVOĐENJE PROGRAMA

Visina sredstava za provođenje programa

Potrebna sredstva za provođenje Programa definisana su Budžetom Bosansko-podrinjskog kantona Goražde („Službene novine Bosansko-podrinjskog kantona Goražde“, broj:4/17), na ekonomskom kodu 614 300 TEK 002 - Tekući transferi neprofitnim organizacijama - Ruralni razvoj u iznosu od 100.000,00 KM.

Maksimalni budžet po komponentama

Programom se utvrđuje visina, odnosno maksimalni iznos sredstava za svaki posebni cilj programa. Maksimalna visina sredstava za pojedinačni cilj predstavlja jednu finansijsku komponentu programa. Za svaki poseban cilj, odnosno za svaku finansijsku komponentu programa definisan je slijedeći maksimalni budžet:

- a) Podsticanje konkurentnosti ruralnog područja
Maksimalni budžet: 85.000 KM
- b) Zaštita okoline u ruralnim područjima
Maksimalni budžet 15.000 KM

U okviru prvog cilja ruralnog razvoja tj. konkurentnosti ruralnog područja sufinansiraće se sledeće komponente odnosno aktivnosti.

U komponenti investicije u poljoprivredna gazdinstva planirana sredstva u iznosu od 35.000,00 KM i realizovaće se na slijedeće aktivnosti:

- nabavka opreme za preradu voća i povrća,
- aktivnosti koje doprinose povećanju učešća na tržištu kroz orijentaciju na proizvodnju, preradu i prodaju tradicionalnih proizvoda,
- rekonstrukcija štalskih objekata.

U komponenti investicije u ruralnu infrastrukturu planirana su sredstva u iznosu od 50.000,00 KM realizovaće se na slijedeće aktivnosti:

- sanacija nekategorisanih puteva i mostova koji povezuju naseljena mjesta, dijelove naseljenog mjesta u ruralnim područjima, te pristupnih puteva do poljoprivrednih površina i gazdinstava ne uključujući asfaltiranje,
- asfaltiranje nekategorisanih puteva koja povezuju naseljena mjesta u ruralnim područjima, pristupne puteve farmama i sl.

U okviru drugog cilja ruralnog razvoja tj. zaštita okoline u ruralnim područjima sufinansiraće se sledeće komponente odnosno aktivnosti do maksimalnog iznosa 15.000,00 KM:

- aktivnosti koje doprinose očuvanju autohtonih životinjskih i biljnih vrsta.

Redistribucija sredstava

U slučaju potrebe koja se ukaže u toku implementacije programa, Ministarstvo može napraviti redistribuciju sredstava sa jedne na drugu komponentu, odnosno sa jednog posebnog cilja na drugi poseban cilj u iznosu do maksimalno 20 procenata (20%) od iznosa komponente sa koje se sredstva prenose. Redistribuciju ovih sredstava ministarstvo će izvršiti odlukom ministra.

U slučaju izmjene ukupne vrijednosti programa koja je rezultat Izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta ministarstva i preusmjerenja između budžetskih korisnika, Ministarstvo za privredu će vršiti izmjenu i dopunu programa u skladu sa potrebama na osnovu kojih su donešene odluke o preusmjerenju povećanju ili smanjenju ukupne vrijednosti programa uz saglasnost Vlade.

5. KRITERIJI ZA RASPODJELU SREDSTAVA

Način raspodjele sredstava

Raspodjela sredstava vrši se dodjelom državne pomoći u novcu za projekte, aktivnosti i mjere koje doprinose ostvarivanju općeg i posebnih ciljeva programa i može biti dodjeljena jednom ili više puta u skladu sa odredbama ovog programa.

Raspodjela sredstava u slučaju dodjele državne pomoći u novcu vršiće se na osnovu odobrenih projekata u skladu sa programom. Konačne Odluke o dodjeli državne pomoći za pojedinačne projekte, aktivnosti i mjere iz sredstava ovog programa na prijedlog Ministarstva za privredu donosi Vlada Bosansko-podrinjskog kantona Goražde.

Uz projekat je neophodno dostaviti dokumentaciju propisanu ovim programom (dokaz o registraciji pravnog subjekta od nadležnog organa, Potvrda o upisu u registar gazdinstava i klijenata, dokaz o izmirenim poreskim obavezama (izuzimajući indirektnu poreze) i potvrda o otvorenom žiroračunu).

Kriteriji za raspodjelu sredstava

Raspodjela sredstava za aktivnosti sadržane u projektima izvršit će se srazmjerno doprinosu u dostizanju općih i posebnih ciljeva programa, očekivanih rezultata programa i drugih elemenata za raspodjelu u skladu sa odredbama programa.

Prilikom odlučivanja o raspodjeli sredstava iz predhodnog stava primjenjivat će se kriteriji putem kojih će se ocjenjivati bitni aspekti uticaja aktivnosti predložene za finansiranje iz sredstava programa.

Kriteriji po osnovu kojeg će se vršiti raspodjela sredstava programa su:

Finansijski i organizacioni kapaciteti aplikanta za provođenje aktivnosti,

Usklađenost aktivnosti sa svrhom, opštim i posebnim ciljevima programa,

Metodologija provođenja planirane aktivnosti,

Doprinos održivom poboljšanju stanja,

Troškovna efikasnost u provođenju aktivnosti.

Raspodjela sredstava vršiće se na osnovu odobrenih projekata za sredstvima u skladu sa svakim posebnim ciljem programa. Raspodjela sredstava vrši se dodjelom državne pomoći u novcu i ona može biti dodjeljena jednom ili više puta u skladu sa odredbama programa.

U slučaju da se pomoć odobrava za više korisnika, konačnu saglasnost na spisak korisnika sredstava državne pomoći iz ovog programa daje Vlada Bosansko-podrinjskog kantona Goražde.

Sredstva iz ovog programa dodjeljivaće se u formi projektnog finansiranja (plaćanje unaprijed).

Kandidovanje prijedloga projekta za sredstvima

Prijedlozi projekata za sredstvima dostavljaju se nakon objavljivanja javnog poziva, koji se raspisuje u skladu sa odredbama programa.

Prijedlozi projekata se dostavljaju za apliciranje na sredstva u okviru prvog i drugog posebnog cilja.

Aplikant može dostaviti maksimalno dva prijedlog projekta u okviru prvog posebnog cilja programa iz komponente investicije u poljoprivredna gazdinstva, dok za ostale koponete ciljeva programa aplikanti mogu dostaviti samo jedan prijedlog projekta.

Pravilno popunjavanje propisane forme omogućava da se svi aspekti prijedloga projekata objektivno selektiraju i procjene.

Svi prijedlozi projekata se procjenjuju u skladu sa kriterijima programa kojim će se vrednovati njihov doprinos ostvarivanju ciljeva programa na način predviđen procedurama apliciranja, selekcije, evaluacije i rangiranja iz programa.

Opšti uslovi i posebni uslovi

Opšti uslovi za učestvovanje u programu su:

- da su upisani u registar poljoprivrednih gazdinstava, odnosno registar klijenata u skladu sa Zakonom o poljoprivredi,
- da imaju proizvodnju na području Bosansko-podrinjskog kantona Goražde ili da krajnji korisnici projekta imaju poljoprivrednu proizvodnju na području BPK Goražde

- da imaju registraciju na prostoru Bosansko-podrinjskog kantona Goražde.

Posebi uslovi za učestvovanje u programu:

- da su namjenski utrošili sredstva odobrena od strane Vlade Bosansko-podrinjskog kantona u periodu od protekle tri godine ukoliko im je takva pomoć dodjeljena,
- da su ispunili ugovorene obaveze po odobrenim grantovima Vlade Bosansko-podrinjskog kantona Goražde, ukoliko su ih dobili u zadnje tri budžetske godine,
- da nisu koristili novčana sredstva za iste ili slične namjene u periodu od protekle tri godine iz sredstava ovog programa,
- da nemaju neizmirenih obaveza za poreze i doprinse osim obaveza koje su obuhvaćene ugovorom o reprogramiranju obaveza (izuzimajući indirektno poreze),
- **korisnici koji nisu ispoštovali ugovorene obaveze (nisu namjenski utrošili doznačena sredstva, nisu dostavili izvještaje o namjenskom utrošku sredstava u skladu sa potpisanim Ugovorom) ne mogu aplicirati po ovom Programu u naredne tri godine, kao i odgovorno lice iz tog pravnog subjekta u bilo kojem drugom pravnom subjektu.**

Kandidovanje prijedloga projekta za sredstvima

Prijedlozi projekata za sredstvima dostavljaju se nakon donošenja programa od strane Vlade Bosansko-podrinjskog kantona Goražde i objavljenog javnog poziva, koji se raspisuje u skladu sa odredbama programa.

Minimalno jedan javni poziv će se raspisati za sve posebne ciljeve programa.

Podnošenje prijedloga projekta za sredstvima vrši se isključivo na aplikacionom obrascu projekta propisanom od strane Ministarstva za privredu Bosansko podrinjskog kantona Goražde.

Pravilno popunjavanje propisane forme omogućava da se svi aspekti prijedloga projekata objektivno selektiraju i procjene.

Svi prijedlozi projekata za sredstvima se procjenjuju u skladu sa procedurama apliciranja, selekcije, evaluacije i rangiranja.

Procedure apliciranja, selekcije i evaluacije projekata za sredstvima

Aplikanti koji u formi propisanoj od strane Ministarstva za privredu Bosansko-podrinjskog kantona Goražde dostave prijedloge projekata za sredstvima u rokovima predviđenim programom imaju status aplikanta.

Javni poziv za ciljeve Programa se raspisuje nakon sticanja uslova, odnosno nakon donošenja programa od strane Vlade. Javni poziv minimalno sadrži sažetak svrhe, opšteg i posebnih ciljeva, način raspodjele i rokove za dostavljanje aplikacija.

Javni poziv se objavljuje na internet stranici Vlade Bosansko-podrinjskog kantona i u jednom ili više elektronskih medija.

Krajnji rok za objavljivanje javnih poziva je 01. novembar 2017. godine u 16:00 sati.

Prilikom kandidovanja prijedloga projekata aplikanti su dužni da vode računa o finansijskim kriterijima. Svaka aplikacija koja nije u skladu sa ovim kriterijima (minimalni i maksimalni iznos granta) će biti odbačena u administrativnoj provjeri.

Finansiranje prijedloga projekata

Ukupan budžet predloženog projekta koje aplikanti dostavljaju za finansiranje, ne može biti manji od 3.000 KM i veći od 40.000 KM.

Minimalni i maksimalni iznos granta koji može biti zatražen za sufinansiranje projekta je u rasponu od 2.000 KM do 30.000 KM.

Aplikanti mogu da osiguraju vlastito učešće u finansiranju projekata, što je neophodno naznačiti u vlastitom projektu.

Prijedlozi projekata čiji ukupni iznos prelazi maksimalni iznos projekta i u kojima je planirani grant veći ili manji od utvrđene visine u skladu sa predhodnim stavom će u fazi administrativne provjere biti automatski odbijeni kao neprihvatljivi za finansiranje.

Otvaranje aplikacija i administrativna provjera

Otvaranje aplikacija i administrativna provjera za prijedloge projekata se provodi najkasnije 30 dana od zatvaranja javnog poziva.

Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu da odredbama ovog programa. Administrativnu provjeru vrši komisija Ministarstva za privredu. Komisija provjerava da li aplikacija zadovoljila slijedeće uslove:

- da je aplikacija dostavljena u roku i na način predviđen programom,
- da su dostavljeni svi prilozi na način predviđen programom,
- da je aplikacija potpuna i ispravno popunjena u skladu sa propisanom formom,
- da li su ispunjeni finansijski uslovi za učestvovanje u programu.

Ukoliko su ovi uslovi ispunjeniji, komisija će aplikaciju evaluirati u skladu sa odredbama programa. Komisija može zatražiti od aplikanta dostavljanje dodatne dokumentacije ukoliko je očigledno da je dokument izostavljen zbog slučajne tehničke greške a što se može indirektno utvrditi na osnovu preostale dostavljene dokumentacije. Komisija može zatražiti dopunu dokumentacije za maksimalno dva uslova opšte ili posebna uslova koja su propisana programom. U suprotnom aplikacija će i bez evaluacije biti odbijena iz administrativnih razloga.

Aplikacije pisane rukom će biti automatski odbijene.

Evaluacija dostavljenih prijedloga projekata

Za provođenje procesa selekcije, evaluacije i ocjenjivanja prijedloga projekata Ministarstvo formira komisiju.

Komisija sve dostavljene aplikacije razmatra i evaluiraju u periodu od maksimalno 30 dana od završetka administrativne provjere.

U evaluaciju projekata komisija primjenjuje pet grupa indikatora i to:

- Finansijski i operativni kapaciteti aplikanta
- Relevantnost
- Metodologija
- Održivost
- Budžet i troškovna efikasnost

Ocjenjivanje aplikacija

Evaluacija aplikacija se provodi na osnovu skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim kategorijama procjena:

- 1 - veoma slabo;
- 2 - slabo;
- 3 - adekvatno;
- 4 - dobro;
- 5 - veoma dobro.

Svaka ocjena se množi sa koeficijentom koji je za svaki indikator predviđen u evaluacijskoj skali. Maksimalan broj bodova za projekat iznosi 100.

Projekti koji imaju manje od 70 bodova, se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15 aplikacija se odbija, bez obzira na dobiven ukupan maksimalan broj bodova.

Ukoliko je ukupan rezultat u poglavlju **budžet i troškovna efikasnost** manji od 15 aplikacija se odbija, bez obzira na dobiven ukupan maksimalan broj bodova.

Komisija će procjenjivati vrijednost indikatora. Prilikom određivanja vrijednosti indikatora komisija će se pridržavati prioriteta, finansijskih kriterija i načina rangiranja koji su propisani programom. Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjeli sa brojem članova komisije.

Skala za evaluaciju

KRITERIJ	SKALA
	Projekti
1. Finansijski i operativni kapaciteti aplikanta	10
1.1. Procjenjeni nivo iskustva aplikanta u upravljanju projektom?	5
1.2. Procjenjeni nivo tehničkog i stručnog znanja i iskustva neophodnog za implementaciju projekata?	5
2. Relevantnost	30

2.1. Koliko je aplikacija relevantna za svrhu, opšte i posebne ciljeve Programa (tačka 2. programa)?	5x2
2.2. Koliko je aplikacija relevantna za prioritetne aktivnosti u okviru svakog posebnog cilja (tačka 12.1. programa)?	5x2
2.3. Koliko je aplikacija relevantna za očekivane rezultate programa (tačka 13. programa)?	5x2
3. Metodologija	10
3.1. Da li aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta a koji mogu doprinijeti rješavanju problema?	5
4. Održivost	25
4.1. Da li će mjere podrške programa značajnije doprinijeti rješavanju problema koji je naveden u prijedlogu projekta ili zahtjevu?	5x2
4.2. Da li predložene aktivnosti mogu imati pozitivne multiplikativne efekte na ukupni ruralni razvoj u Bosansko-podrinjskom kantonu Goražde?	5
4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz programa, u periodu od minimalno tri godine?	5x2
5. Budžet i troškovna efikasnost	25
5.1. Da li je odnos između planiranih troškova i očekivanih rezultata zadovoljavajući?	5x2
5.2. Da li je visina predloženih troškova adekvatna za implementaciju planiranih aktivnosti?	5x2
5.3. Da li su predloženi troškovi aktivnosti obrazloženi na način da dokazuju da će sredstva programa biti iskorištena na efikasan i ekonomičan način?	5
MAKSIMALNI BROJ BODOVA	100

Procedure odobravanja prijedloga projekata

Za projekte koji su u procesu evaluacije dobili više od 70 bodova, komisija rangira po broju osvojenih bodova.

U procesu odobravanja, Komisija može uvidom na terenu provjeriti stanje u pogledu ukladenosti stvarnog stanja sa stanjem navedenim u prijedlogu projekta.

Nakon provedenog rangiranja odobravaju se svi najbolje rangirani projekti do visine raspoloživih sredstava koja su programom definisana za svaki pojedinačni cilj. Svi najbolje rangirani projekti za koje postoje raspoloživa sredstva imaju status odobrenih projekata.

Prijedlozi projekata koji imaju više od 70 bodova ali za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih

sredstava za program ili donošenja odluke o preraspodjeli sredstava u skladu sa odredbama programa. U suprotnom prijedlog projekta se odbija.

Odobrene projekte Ministarstvo predlaže Vladi Bosansko-podrinjskog kantona Goražde da donese odluku o odobravanju prijedloga projekta koji će se sufinansirati sredstvima iz budžeta Bosansko-podrinjskog kantona – ekonomski kod 614 300 – Tekući transferi neprofitnim organizacijama - Ruralni razvoj.

Ukoliko se Odlukom Vlade Bosansko-podrinjskog kantona Goražde odobrava iznos granta veći od 10.000 KM, prije potpisivanja Ugovora, nacrt Ugovora dostavlja se Kantonalnom pravobraniocu na Mišljenje.

U slučaju da je planirano sufinansiranje projekta iz programa veće od 6.000 KM, uz prednacrt ugovora podnosi se i Prijedlog Zaključka Vlade o davanju saglasnosti Ministru privrede za potpisivanje Ugovora.

Nakon prihvatanja prijedloga odluke od strane Vlade Bosansko-podrinjskog kantona Goražde i pribavljenog Mišljenja kantonalnog pravobranilaštva na Nacrt ugovora, pristupa se potpisivanju ugovora za sufinansiranje projekta o čemu se aplikant obavještava. Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu i način obezbjeđenja instrumenata za namjenski utrošak sredstava.

Finansijska sredstva po pojedinim koponentama ciljeva programa za projektne aktivnosti dodjeljivat će se u slijedećem minimalnom i maksimalnom iznosu:

- a. Minimalni i maksimalni iznos granta za projekte investicije u poljoprivredna gazdinstva: nabavka opreme za preradu voća i povrća, projekti koji doprinose povećanju učešća na tržištu kroz orijentaciju na proizvodnju, preradu i prodaju tradicionalnih proizvoda i rekonstrukcija štalskih objekata dodjeljivat će se u rasponu od 2.000 do 7.000 KM;
- b. Minimalni i maksimalni iznos granta za projekte izgradnje, rekonstrukcije, sanacije i pročišćavanja ruralnih puteva i mostova dodjeljivat će se u rasponu od 2.000 do 10.000 KM,
- c. Minimalni i maksimalni iznos granta asfaltiranje nekategorisanih puteva koja povezuju naseljena mjesta u ruralnim područjima, pristupne puteve farmama i sl. dodjeljivat će se u rasponu od 2.000 do 30.000 KM,
- e. Minimalni i maksimalni iznos granta za projekte aktivnosti koje doprinose očuvanju autohtonih životinjskih i biljnih vrsta odjeljivat će se u rasponu od 2.000 do 5.000,00 KM.

6. KORISNICI SREDSTAVA

Korisnici sredstava su neprofitne organizacije i jedinice lokalne samouprave u oblasti ruralnog razvoja na području Bosansko podrinskog kantona Goražde koji omogućavaju razvoj ruralnog područja Bosansko-podrinjskog kantona Goražde, te koji ispunjavaju opšte i posebne uslove programa iz 2017. godine i koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog programa.

7. POTREBAN BROJ RADNIKA ZA PROVOĐENJE PROGRAMA

Za provođenje programa su nadležni zaposleni u Ministarstvu za privredu i program ne zahtjeva angažovanje dodatnih radnika na provođenju programa, izuzev za korištenje vanjskih usluga za potrebe izrade baze podataka registra korisnika.

Na programu će biti angažovana lica na poslovima komisija koje se formiraju u skladu sa programom. Članovi komisije za provođenje aktivnosti na ocjenjivanju aplikacija ne mogu biti članovi komisije za kontrolu realizacije ugovorenih obaveza po ovom programu. Komisije po ovom programu se ne plaćaju.

Monitoring implementacije programa

Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim ugovorima i u skladu sa odredbama ovog programa. U cilju osiguranja procjene rezultata odabrani korisnici su dužni nakon utroška odobrenih sredstava dostaviti Ministarstvu za privredu izvještaj o provedenim aktivnostima koja su odobrena za finansiranje iz programa.

Nadzor realizacije Programa utroška sredstava sa ekonomskog koda 614 300 – Tekući transferi neprofitnim organizacijama - Ruralni razvoj vrši Ministarstvo za privredu Bosansko-podrinjskog kantona.

Mjerenje rezultata i provedenih aktivnosti će se vršiti na osnovu periodičnih monitoringa implementacije projekata, te sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodijeljenih sredstava (uplatnice, računi, fakture, ugovori i sl.).

U slučaju da rezultati monitoringa ukažu na značajni zaostatak u ispunjavanju ugovorenih obaveza, ministarstvo predlaže Vladi donošenje odluke o povratu dodjeljene državne pomoći ili preusmjerenje u skladu sa odredbama programa.

8. PROCJENA REZULTATA

Pregled očekivanih rezultata

Aplikanti su dužni u prijedlogu projekta navesti specifične rezultate koji su direktno povezani sa očekivanim rezultatima ovog programa i moraju biti mjerljivi i jasno vremenski određeni.

Minimalni očekivani rezultati programa u 2017. godini su:

- Implementirati minimalno tri projekta rekonstrukcije, asfaltiranja, sanacije i pročišćavanja ruralnih puteva i mostova,
- Implementirati minimalno pet projekta koji doprinose novim investicijama u poljoprivredna gazdinstva,
- Implementirati minimalno tri projekta koji može značajnije doprinijeti očuvanju autohtonih biljnih i životinjskih vrsta.

Sve aplikacije koje se podnose za finansiranje iz sredstava programa će biti procjenjivane u odnosu na njihove očekivane rezultate. Očekivani rezultati prijedloga projekata za sredstvima se procjenjuju u odnosu na očekivane rezultate programa.

Očekivani rezultati koji su predloženi u prijedlogu projekta će se koristiti za ocjenu kvalitete prijedloga projekta i njegovog doprinosa ostvarivanju ciljeva programa, a takođe će biti kriterij za ocjenu namjenskog utroška sredstava i ispunjavanja ugovorenih obaveza po odobrenim grantovima Ministarstva privrede.

Mjerenje rezultata aktivnosti će se vršiti na osnovu rezultata monitoringa implementacije i rezultata obilaskom korisnika na terenu i na osnovu pismenih izvještaja korisnika sredstava.

U cilju osiguranja procjene rezultata programa odabrani korisnici koji su dobili podršku dužni su nakon utroška odobrenih sredstava dostaviti Ministarstvu za privredu Izvještaj o provedenim aktivnostima sa dokaznom dokumentacijom koja su odobrena za finansiranje iz programa. Odabrani korisnici dužni su dostavljati jedan izvještaj na kraju i jedan na polovini perioda implementacije projekta.

9. PROCJENA NEPREDVIĐENIH RASHODA I RIZIKA

Nepredviđeni rashodi

Nepredviđeni rashodi mogu se pojaviti u slučaju povećane potražnje za podsticajnim mjerama iz programa. Nepredviđeni rashodi za ostale programom predviđene aktivnosti mogu se pojaviti samo kao rezultat promjena unutar interne strukture samog programa ali ne i do povećanja ukupnih nepredviđenih rashoda programa.

Kako bi se smanjili nepredviđeni rashodi unutar šeme podsticaja uvedeni su stroži finansijski kriteriji koji ograničavaju obim ostvarivanja podsticaja. Dodatno obezbjeđenje za nepredviđene rashode je uvedeno kroz minimalne i maksimalne vrijednosti izdataka za svaki specifični cilj, čime je program dodatno zaštićen od nepredviđeni rashoda.

Rizici

Kako bi se smanjili rizici u procesu implementacije programa uvedene su novine i u procesu selekcije i monitoringu aktivnosti koje su podržane u okviru ovog programa. Novine se odnose u omogućavanju službenicima terenske posjete i prikupljanje dodatnih informacija neophodnih za proces selekcije, te monitoring u toku same implementacije aktivnosti i mjera koje su podržane ovim programom.

Aplikanti su dužni planirati odgovarajuće mjere koje će poduzeti u slučaju ostvarivanja rizika koji mogu utjecati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog programa.

Broj: 03-14-905-1/17

Goražde, 13.06.2017. godine

P R E M I J E R

Emir Oković

Vlada Bosansko-podrinjskog kantona Goražde, svojom Odlukom broj: 03-14-905/17 dana 08.06.2017. godine usvojila je Program ruralnog razvoja za 2017. godinu.

